

بلوچی مئے وتی شہدیں زبان انت

SAYAD HASHMI
REFERENCE LIBRARY

MALIR RIVER BRIDGE MALOK HOTEL MALIR KRACHI
shrlibrary.org - facebook.com/shrlibrary



سید ہاشمی ریفرنس کتابجاہ

ملیر ریور برج ملوک ہوٹل ملیر کراچی

دیمروی نگدال ۲۰۱۵م

!گلیں باسکان

سید ہاشمی ریفرنس کتابجاہ دستور ء کاررہبند ء ردء کارگشاد ہمک سال گلء کارانی بابتء نگدالء احوال جوڑ کنت ء سرمجلس ء لس مجلس ء باسکانی دیما پیش کنت۔ اے درگتء ۲۰۱۵م ء نگدال ء شمنے دیما پیش کنگ آن۔ ہنچوش کہ شما سہی ء سرپد ات کہ مروچاں منے راج ء دمگانی ء جاورال سک نگیگ ء زندگتگیر انت۔ وپدے یک راجے چوشیں نگیگانی اماچ بہ بیت گڈا الم آئی ء زندء گلیں تک ء پہنات سان مند (اثرمند) بنت چوشیں نگیگیں جاورانی تہا دیمروی کنگ یک گرانیں بارے راجی جاور بہ بنت کہ سیاسی ء دمگی جاور اے گلیں جاور اگان نگیگ بنت گڈا گوں ایشاں ہمگرنچیں ہمک چیز نگیگانی اماچ بنت۔ زانشی ء لیزانکی جاور گوں راج ء دمگاں ہمگرنچ انت، راجی ء دمگی نگیگیں جاورانی سان (اثر) ہر وڑا زانشی ء لیزانکی کارانی سرا ہم کپ انت۔ اے ہبر ء تہا ہچ شک نیست کہ نگیگیں جاوران زانشی ء لیزانکی کارانی سرا ہم وتی سان (اثر) ء رنگ پیش داشتگ ہمیشکا ما ہم اے ہبرء منں این کہ منے گام ہم سست بوتگ انت بلے ما وتی گام نہ داشتگ آن کتابجاہ اے سال ء دیمروی ء کار جہلا دیگ بوتگ انت۔

لس مجلس ء دیوان: کتابجاہ مسترین دیوان لس مجلس ء دیوان بوتگ کہ یازدہ جنوری ء برجم دارگ بوتگ ات ء اے دیوان ء گوستگیں دوسال ء نگدال ء پچی ء نوکیں سرمجلس ء گچین کاری ہم برجم دارگ بوتگ ات کتابجاہ ء دیرو (تاریخ) ء اولی رندا ”چیرتاک“ (سیکریٹ بیلٹ) ء وسیلہ گچین کاری برجم دارگ بوتگ انت۔ اے لس دیوان ء بلوچی زبان ء دوزواہاں ابید کم ء گیش یک سدء بیست باسکان بہر زرتگ ات ء نوکیں سرمجلس ء گچین کاری برجم کنگ ات۔

سوگندی دیوان (اولی بہر): ۱۱ جنوری ۲۰۱۵مء سرمجلس ء گچین بوتگیں پہ سرمجلس ء گچین بوتگیں اگدہ دارسوگند زورگ بوت۔ کہ کتابجاہ باسکانی پچیا پنچ سدء گیش مردمان بہر زرتگ۔

دومی بہر: (ساز ء زیملی ء زندال) کتابجاہ دودانی ردا ہمک سوگندی دیوان ء پچیا یک ناں یک مزن نامیں شاعرے ء نام ء نامینگ بیت، اے ساز ء زیملی دیوان بلوچی زبان ء نامداریں شاعر جوانسال بگٹی ء نام ء نامینگ بوتگ ات۔ ساز ء زیمل ء پیش واجہ ساجد بزدار ء نبشتانک کہ جوانسال بگٹی ء زندال ات پیش کنگ بوت ء ایشانی پچیا زبانانی استمانی روچ ء درگتء کواس ء زانتکاراں وتی نبشتانک دیوان ء دیما پیش کت انت۔ گڈسرا ساز ء زیملی بہر ء نامداریں گشندہاں جوانسال بگٹی ء شاعری پہ ساز ء زیمل پیش کت۔

سیمی بہر: (ماتی زبانانی روچ) سوگندی دیوان ء پچی ء ماتی زبانانی روچ ء درگتء ہم یک جتائیں بہرے برجم دارگ بوتگ ات کہ کواس ء زانتکاراں وتی نبشتانک ونت انت۔

چارمی بہر: (اسٹیج کسمانک) بلوچ ربیدگی روچ ء درگتء دودا ء بالاچ ء نام ء یک اسٹیج کسمانکے پیش کنگ بوتگ رندا ہمے اسٹیج کسمانک کراچی آرٹس کونسل ء ہم پیش کنگ بوت۔

سالروچ ء دادیوان: سیمی مزنیں دیوان پروفیسر صبادشتیاری ء سالروچ ء درگتء برجم دارگ بوتگ۔ دود ء ردا اے دیوان ء یک مزن نامیں شاعرے ایوارڈ دیگ بیت ء اے سال ء صبادشتیاری ایوارڈ واجہ اکبرگمشاد ء دیگ بوت۔ اے دیوان ء پروفیسر صبادشتیاری ء زندء سرا کواساں وتی ڈریں دانک درشان کت انت ء ایشی ء پچیا سرٹیفکیٹ ء بنگیجی کلاساں ہما نودر بر کہ سوبمندبوتگ ات انت آیانی سند ء تمگہ دیگ بوت۔ دیوان ء سیمی بہر ء مزن نامیں شاعران وتی پربند ونت انت۔

سر مجلس ۽ نیاد: کتابجاء ۽ سر مجلس ۽ وېد په وېد نیاد برجم داشتگ انت۔ سر مجلس ۽ کُل یازده نیاد برجم داشتگ۔ سر مجلس ۽ دیوان ۽ دو کتابانی دیمردرائی بوت که چریشاں یکے پروفیسر صبادشتیاری ۽ شاعری ۽ کتاب ”اگهی ۽ واب“ ۽ دومی پروفیسر صبادشتیاری ۽ زند ۽ سرا چاپ بوتگیں نیشتانکانی کتاب که چندن ساچ ۽ نزاگ ات ”حیات ۽ شاگ“ ات

روش (کورس): - کتابجاء همک سال دو روش (بنگیجی ۽ راسینتکی) برجم داریت۔ اے سال ۽ دور ۽ دراجیں دمگان کورس برجم دارگ نہ بوتگ انت البت کراچی ۽ راسینتکی تیک برجم دارگ بوتگ انت۔ بنگیجی ۽ ۵۴ ۽ راسینتکی ۳ نودربران بہر زرتگ۔ دو ہزار ہشت ۽ بگرداں ۱۵-۲۰۱۴م ۽ کُل ۲۵۸۱ (دو ہزار پنج سده ۽ ہشتاد ۽ یک) نودربران بنگیجی ۽ راسینتکی روشاں بہر زرتگ۔

گون ادارہاں راپتہ: کتابجاء ۽ مول مرادانی تہا بلوچی زبان ۽ سرا کار کنوکیں دگہ ادارہانی گون راپتہ ۽ ہمگرچی ہم ہوار انت اے ردا کتابجاء ۽ کارمستر ڈاکٹر رمضان بامری ۽ کتابجاء پان غلام رسول کلمتی ۽ بلوچی اکیڈمی کوٹہ ۽ سنگتاں گون نند ۽ نیاد کتگ ۽ بلوچی اکیڈمی ۽ یک ڈلے ۽ سید ہاشمی رفرنس کتابجاء ۽ تر ۽ تاب ہم کتگ ۽ گپ ۽ تران ہم کتگ۔

درجہ بندی: کتابجاء ۽ ہستیں کتابانی درجہ بندی ۽ کار کہ گوستگیں سال ۽ بنگیج کتگ بوتگ ات ، اے سال ۽ نود درسد سرجم کتگ بوتگ ۔

کتاب: اے سال ۽ کتابجاء ۴۹۸ کتاب گیش کتگ بوتگ (ماہتاگ ۽ تاکبند ہوار نہ انت) بلوچی اکیڈمی ۽ وتی چاپ کتگیں کتابانی یک شریں کتگے کتابجاء داتگ ایشی ۽ پجیا واجہ نثار بادینی ۽ لہتیں نایاپتیں کتاب چہ گوریچانی بلوچستان ۽ پہ کتابجاء دست کتگ واجہ عبدالواحد کامریڈ ۽ ہم کتابانی مزین کچے چہ دوست ۽ دوزواہاں زرتگ ۽ کتابجاء سرکتگ انت۔ دگہ چاپ بوتگیں ۽ جریدگیں کتاب اے وڑا انت۔ واجہ صبادشتیاری ۽ شاعری ۽ کتاب ”اگهی ۽ واب“ چہ کتابجاء ۽ نیمگا چاپ کتگ بوتگ۔ دگہ چار کتاب چاپ بوتگ انت ۽ زوت شمئے دیماکاپنت کہ ایشانی تہا پروفیسر صبادشتیاری ۽ کتاب گلکار ۽ چکنکار (دومی برا)، واجہ رحیم مہر ۽ رد ۽ بند داتگیں ملا فاضل ۽ زند ۽ ازم (دومی برا)، واجہ عاصم زبیر ۽ انور شاہ قحطانی ۽ زند ۽ سرا ”گروکی شہم“ ۽ واجہ اے آرداد ۽ رجانک ”کماراں بہ بنے“ ہوار انت۔ ہتورام ۽ تاریخ بلوچستان کہ واجہ ڈاکٹر حمید بلوچ ۽ ڈاکٹر رمضان بامری ۽ دوبر آئی ۽ سرا کارکتگ، پہ چاپ ۽ جریدگ انت۔ ڈکشنری ۽ کار کہ ہشت ماہ پیش سرجم کتگ بوتگ، پہ دوار چار ۽ ہورت وانی ۽ مہتل انت۔ ایشاں ابید واجہ پروفیسر صبادشتیاری ۽ رد ۽ بند داتگیں دگہ دو کتابانی (ملک محمد پناہ ۽ شونگال کہ آئی ۽ دو بہر انت ۽ واجہ صبادشتیاری ۽ نمدی) سرا ہم کار برجا ہ انت۔

مواد امباری: تاکبند ۽ ماہتاکانی اسکن کتگ ۽ پہریزگ ۽ کار ۽ اولی بہر کہ گوستگیں سال ۽ سرجم کتگ بوتگ ات نوں ۽ مان PDF دومی بہر ۽ سرا کار برجاہ انت لہتیں گاریں ماہتاگ دوبر شوہاز کتگ ۽ اسکن کتگ بوتگ انت۔ ایشانی گیجگ ۽ کار بندات کتگ بوتگ۔

باسک: ادارہانی تہا باسکانی کم ۽ گیش بوگ نوکیں ہبرے نہ انت یک نیمگے اگان بازیں باسک راپتہ ۽ تہا نہ انت بلے دومی نیمگا۔۔۔ نوکیں باسک جوڑ بوتگ۔

پیش بندی: کتابجاء ماڑی ۽ نوک کاری ۽ کار۔ کتابانی شونتاگ (انڈکس) جوڑ کتگ۔ ماہتاکانی لڑاں رد ۽ بند دیگ ۽ تندجاء شنگ کتگ۔ شمئے مننوار کارگشاد۔ سید ہاشمی رفرنس کتابجاء

مالی ننگال ۲۰۱۵ م

اگلیں باسکان

کتابجاء وتی دودانی ردا وتی باسکے دوزواہانی دیما سال 2015 مے در چے ءے حرجے ءے حسابے پیش کنت کہ 2015 مے حرجے ءے در چے ءے حسابے چوش انت
درچے:-

باسکی بجاری	65,400/=	شستے پنجے ہزار چار سد کلدار
کتاب، فوٹو کاپی، سی ڈی ءے اسٹیکرانی بہاء زرّ	28,410/=	بیستے ہشت ہزار چار سدے دہ کلدار
بلوچی بنگیجی ءے سرٹیفیکٹ کورسانی رستگین زرّ	5,000/=	پنجے ہزار کلدار
گچین کاری ءے بہر زیرگ ءے زرّ	10,500/=	دہ ہزار ءے پنجے سد کلدار
کابینہ ءے آگدہ دارانی ہمک ماہی خاصین بجاری	19,500/=	نوزدہ ہزار پنجے سد کلدار
باسکے ءے دوزواہانی بجاری	37,100/=	سی ءے ہیت ہزار یک سد کلدار
جتائین بجاری (کتابجاء ءے یک دوزواہے ءے)	300,000/=	سئے لک کلدار
جتائین بجاری (سر وزیر - بلوچستان سرکار	1,000,000/=	دہ لک کلدار

سال 2015 ءے رستگین کل زرّ =/1,465,910 (چار دہ لک شستے ءے پنجے ہزار نو سد ءے دہ) کلدار

حرجے:-

ڈاک ءے پوسٹ ءے حرجے	3,440/=	سئے ہزار چار سد ءے چل کلدار
رنگ ءے روگن ءے نوکاری ءے لین	43,895/=	چل ءے سئے ہزار ہشت سد ءے نود پنجے کلدار
کمپیوٹر ءے فوٹو کاپی مشین ءے حرجے ءے در چے	13,882/=	سیزدہ ہزار ہشت سدے ہشتاد دو کلدار
دیوان ءے مراگش	77,580/=	ہیتاد ءے ہیت ہزار پنجے سد ءے ہشتاد کلدار
چاپ ءے کتاب	75,400/=	ہیتاد ءے پنجے ہزار چار سد کلدار
کار مندانی پیگار	245,000/=	دو لک چل ءے پنجے ہزار کلدار
نویسمان (اسٹنری)	2,440/=	دو ہزار چار سد ءے چل کلدار
کارگس ءے پلگارگ ءے ہورتہورین حرجے	80,956/=	ہشتاد ہزار نوسد پنجاہ ءے شش کلدار
بینک سنگ	11001/=	یازدہ ہزار ءے یک کلدار

کل =/553,594 (پنجے لک پنجاہ ءے سے ہزار پنجے سد ءے نود ءے چار) کلدار

سرجمیں حسابے چوش انت:- کل در چے 1,465,910 (چار دہ لک شستے ءے پنجے ہزار نو سد ءے دہ) کلدار

کل حرجے 553,594 (پنجے لک پنجاہ ءے سے ہزار پنجے سد ءے نود ءے چار) کلدار

پشت کپتگین زرّ یا دستے زرّ 912,316 (نو لک دوازدہ ہزار سے سدے شانزدہ) کلدار

سال 2014 ءے پشت کپتگین زرّ 2,155,836 (بیس ءے یک لک پنجاہ ءے پنجے ہزار ہشت سد سی ءے شش) کلدار

کل زرّ کہ داں اے وبدء کتابجاء ءے گوراپشت کپتگ انت 3,068,152 (سی لک شستے ءے ہشت ہزار یک سدے پنجاہ ءے دو) کلدار

دلگوش شبید صبا دشتیاری ءے اکائونٹ ءے گرنجیگیں زرّ (300,177) ادا ہوار نہ انت.

اے ردا من گون وتی باسکان ہمے گشگ لوٹان کہ گندگ ءے ہمے ظاہر بیگ ءے انت کہ گوستگین دو سالانی تہا کتابجاء ءے چه حکومت بلوچستان ءے نیمگا 30 لک کلدار رستگ - بلے من اے گشگ لوٹان کہ اے کلدار مارا پہ ماڑی ءے بندگ ءے یا جوڑ دیگ ءے درکار انت - ہنچوش کہ چه ایشی ءے پیسر مئے کتابجاء ءے باسکے ءے ہمیل ءے دوزواہان مدام وتی دست شات کتگ انت پہ کتابجاء ءے کمک ءے دیمروئی ءے، من یک رندے پدا وتی کتابجاء ءے باسکے ءے ہمبلان گون دست بندی کنان کہ وتی دستاں پہ لائبریری ءے کمک مہ دار انت پر چیا کہ سرکار ءے زر ادارکی زر انت مارا مدام نہ رس انت کتابجاء ءے ہست نیست شما ات - گون شمئے دلبدی ءے اے گل پہ زبان ءے لیزانک ءے دیمروی ءے دیمترا جنزان بیت کنت - شمئے منتوار .

حسابدار

سید ہاشمی ریفرنس کتابجاء